

राधा

सत्यप्रकाश जोशी

राजस्थानी ग्रन्थालय
जोधपुर

प्रकाशक

राजस्थानी प्रकाशक

प्रकाशक य पुस्तक विभाग

मोती गट के बाहर

जोधपुर

।

प्रकाशक - 1958

सर्वाधिकार लेखक के मुरगिन

मूल्य पच्चीस रुपये

मुद्रक

प्रिंटिंग हाउस

जालोरी गट के अंदर - 1, 2, 3

जोधपुर

क्रम

मुरली	1
पै'लापै'ल	3
पूजा	8
दरसण	10
पिणघट	11
माखण	13
वदनामी	15
तिरस	17
गोरघन	19
ध्याव	21
रास	27
रुसणी	28
होळी	29
विदा	30
भोळू	32
खमणीजी	36
घनस्याम	38
विजोग	41
पातणी	44
जुद्ध	47
परिशिष्ट	53

चुरली

उण दिन

हू देख्यो कं थू

कदब री डाळ रें आपे

फगत सात ठीडा रा वास नै

कोरा मोरा सात तीणा रा वास नै

होठा सू लगा'र थारा सास भरै है,

थारी आगळिया

उण बोदै बास रें पोरा

नुवँ जीवण री निरत करै है

अर उण सूखे वास री नळकी सू

सुरा रा वादळ भरै है ।

म्है तो आपी विसरगो ।

म्हने सरणाटा रा पगेतिया माथे

सुग रा बिछिया वाजता लाग्या

जाणै अणहूत री गोद मे

राग रा ववर नाचता लाग्या ।

म्है कह्यो —

हे कान्ह !

म्हने ई थारा होठा सू लगा'र

इणी गत, इणी भात

म्हारै प्राणा थारा सास फू वदै ।

इणी गत, इणी भात

मारी बाबा रं माय माय लोगे
मारी बागडियो तथा ।
मार मा मग भरे
मुग भरे
पेता कर दे ।

प'लापै'ल

पू न पालकी मे बैठधा
मुरली रा भीणा सुर
म्हारा नाव नै
कूट कूट मे गावै
कण कण रा काना मे गु जावै,
जमना री लै'रा म्हारा नाव नै कळकळावै,
ठेट समदर री छोळा लग पुगावै,
रूखा रै पानडा रा होठ
म्हारा नाव नै गुणगुणावै
कोयल नै सुणावै ।

पण पै'लापै'ल
सुगणी जसोदा रा जाया ।
थू म्हारो नाव पूछियो,
लजवती लाज
म्हने दुलेवडी कर न्हाखी ।
दो आखरा री भोळी-ढाळी नाव
म्हारे सूखतै कठा रै
पोयण मे भवरा ज्यू अटकग्यो,
म्हारे होठा री लिछमण-रेखा मे
वैण जानकी दाभरण लागी ।

थू म्हने घणी-घणी वाता पूछी,
पण सुगणी जसोदा रा जाया ।
म्हारे सुरगे गाला रै कसू मल मै'ला सू

लजवती राणी
नी उतरी मो नी उतरी ।

×

आज अणचितारघा
अणवुलाई, अणचीती सो
अलेखू वार
दोड-दोड आऊ थारं दुवार
तो ई नी अछेही आस पूरै
नी सवाई साध पूरै
रे म्हारा कान्ह कामणगार ।

पण पै'लापै'ल
अचपळा का'ह कवर ।
यू म्हारो अवोट पुणचो पकड
सुरगी जमना रं काठे
उण कदव रु ख रं पसवाड
म्हारें नैणा मे दुग-दुग जोवण लागी,
थारं कोडील हाथ री
निवायो परस
म्हारें रु-रु मे
भणकारा रा भाला मारण लागी,
रगत नाडिया मे
जाणै पाळो जमग्यो,
आखे पथ, आखे मारग,
पगा मे भाखर री भार लिया
घणी दोरी चाती ।

×

आज थारें म्हारें परसेवा मे

कोई भेद कोनी,
 भाठ बोनी ।
 थनै म्हारी पलका सू
 बाव टुळाऊ
 तो म्हारी पसीनी तो आप ई सूख जावे ।
 पण पै'लापै'ल
 हेम रै उनमान
 थारा ठाडा दरस सू
 म्हारा पसीना मे जाणै आदण लाग्यो ।
 थू पीतावर सू
 म्हनै बाव करतो ई गियो
 अर म्हारी पसीनी
 नैणा-नैणा, पलका-पलका
 अर रू-रू सू
 उफणतो ई गियो ।

×

आज जमना रै सगळै काकड
 डाडी रै माथै
 मुळकती मिमजरिया
 जाण म्हारी भाग री चित्तराम ।
 पण पै'लापै'ल
 म्हारी भाग सजावण नै -
 अमर सुहाग रै खातर
 थू मिमजरिया रा मोती लाथी,
 तद म्हें छळगारी लाज रै फरमाण,
 माथो ऊचो कर लीनी, - -
 डांगी डाडी मिमजरिया रखी,

कावड-कावड मोती रळग्या ।

×

आज अवर रा लिलाट माथ

चळापळ तारा री

अणगिए टीकिया

पळपळावें, चमचमावें, मुमारायें ।

पण पें'लापें'ल

जद थू म्हारें आटीलें भवारा बीच

रतनाळें हीगळू री

टीकी देवण लाग्यो

तो म्हें छळगारी लाज रें फरमाण

माथी नीचो कर नीनी ।

×

म्हारी सुरगी में'दी रें उणियार

आज त्पाळी ऊमा राचणी

म्हारी चोळमजीठ रें उणियार

आज गवरल सिंभया राचणी ।

पण पें'लापें'ल

जद थू सावळें हाथा सू

म्हारें गोरें हाथा री

गुलावी हथेलिया मे

में'दी माडण लाग्यो

तो म्हें छळगारी लाज रें फरमाण

म्हारी मू ठिया भीच नीनी

अर वा सुरगी में'दी

टळमळ जमना री

छोळा मे रळमळगी ।

आज विणछडिया रा फूल राता,
आज रोहीडै रा फूल राता,
आज गुलाब रा फूल गुलाबी,
जाणै म्हारै कू कू पगल्या रै उणियार
जाणै म्हारी सुपारी सी
अेडी रै जावक री चितराम ।

पण पै'लापै'ल
जद थू सावळै हाथा स
म्हारी गोरी अेडी
अर म्हारै गोरे पग री
सुरगी पगथळी मे
म्हावर लगावण लागी
तौ म्हं छळगारी लाज रै फरमाण
म्हारा पगा नै सवेद
घाघरा रै भीणै घेर मे
लुकाय लीना
अर वा म्हावर
फूला फूला छुळगी ।

पूजा

सगळें दिन घर मे जेकली
म्हारें कमगर हाथा सू
थारें ताईं अेक मुगट वणायो ।
काची केळ रें हरियळ पानडा माथें
भू घा मोती जडिया,
रेसम री आटी सवारी,
सोना रा माडणा माड्या,
माथें छवकाळी मोरपाख सजाई ।

सगळें दिन घर मे उमगा भरती
थारी मुरली रें सोनलिया घूघरा पोया,
रूपल डोरा
चिरमी री माळा गू थी ।

म्हारा चतर खामची हाथा सू वणायोडा
मुगट, मुरली नै माळा
धारण करियोडा
यारा रूप नै
अतस री आट्या सू
निरखण लागी ।

पण साभ पड्या कु ज रें पडवा मे
थू म्हारें ताईं
हेमपुहप री बेणी
पोयणा पोवोडी हार,

नै केवडा री काची कळिया रा भुजवध
गू थ लायी
तौ म्हारी सगळी चतराई
मगसी पडगी,
पाण उतरगी ।

फूला रा गै'णा पै'र
म्है जमना रै दरपण मे
म्हारो रूप निहारची
तौ उण इदक रूप रा गुमेज मे
थनं पुजापी चढाणी विसरगी ।

थू ई तौ दिन भर
बेकली बैठ
उमगा सू
आनै बणाया होसी ।

काई काई सम्हाळू म्हारा कान्ह ।

काई काई सम्हाळू ?

वादीली तूनडी नै सिर माथै राखू

तो ई नीचै सिरक सिरक आवैं,

माथा रै सिंघासण टिकै कोनी,

माथा री लाज ढकै कोनी,

मिरगानैणा नै रोखू तो रुकै कोनी ।

अी मोत्या री नवसर हार,

गळा मे बाध बाध राखू —

हिवडा सू लगाय लगाय राखू

तो ई हठीली बिखर-बिखर जावैं

कठा लग मोती चुगू रे कान्हा ।

कठा लग लुळ लुळ चुगू ?

अी सुरगौ सोवन कदोरी

कमर सू लिपटाय राखू,

कडिया सू घेर घार राखू

तो ई रसीली तूट तूट जावैं ।

कठा लग तूटघोडी कडिया न बीणू रे काह ।

कठा लग भेली करू ?

अै रूपा रा बिछिया बाजणा

बाधू तो पगा लागू,

खोलू तो पगा लागू,

तो ई नखराळा बिखर बिखर जावैं ।

कठा लग घूमरा अवेरू रे काह ।

कठा लग बिछिया अवेरू ?

पिणधट

साभ पठ्या घर जाऊ रे काह ।

तो मावड पूछै—मटकी कठे ?

धोवड थारी मटकी कठे ?

म्हें छिए अक

आख्या नितार

सूना मे सूनी सूनी जोऊ,

मावड नै देख्

तो सामी देख्यो नी जाव ।

काई मिस कर ?

काई वात वणाऊ ?

म्हारी हेजळो जामण नै

कीकर भरमाऊ ?

कीकर बिलमाऊ ?

म्हारी रातादेई मा

कुण जाण काई ममभै ?

मावड सू कद छानी रंवे बेटी री वाता ?

नित नवी मटकी सू पै

मीठी भोळावण नित, मीठी सीखा देव ।

पण म्हें थन कद जतळायो रे काह ।

कद जतळायो ?

आज मन री म्यानी दरमाऊ

अचपळा कान्ह ।

जद म्हारी मटकी फूट
 तो जाणै नेह रा वादळ बूठै,
 जाणै प्रीत री पाणी वरस ।
 फूटी मटकी सू जद धारीळा छूटै
 तो जाणै हेत रा भरणा तूठै ।

भोज्योडा वसण जद म्हारी देह सू लिपट जावै
 तो म्हारा मन नै यू लखाव—
 म्हारी कोडीलो काह म्हनै वाथा मे भरली ।
 थारी वाथा री ओ वधण
 म्हनै जुग रं वधण सू
 मुगती देवै ।

पण साभ पढ्या घर जाऊ रे काहा ।
 तो मावड पूछै—मटकी कठै ?
 धीवड थारी मटकी कठै ?

माखण

माखण री मटकी लिया
कद सू उडीकू रे कान्ह ।
कद सू झूर रे कान्ह ।
कद सू अबोली बैठी
थारी पथ निहारु ?

थू डडे, छोसै, लूट मचावै
तो म्हारो घजानो अछूट बण जावै,
थू मटकी सू जद माखण चोरै
तद म्हारै गोरस मे वरकत होवै,
थू चाखै, होठा लगावै,
तो म्हारै माखण मे इदकी चोगट आव,
थू डोलै
तो म्हारो छाछ इमरत सू सू गी जावै ।

जे थू नी आयो
तो सगळें दिन, आखी रात
माथे मटकी री बोझ लियां
गळी-गळी, गाव-गाव,
पथ-पथ भटकणो पडसी,
'दही ल्यो, दही ल्यो'
पण कुण बतळावै—कुण पूछे बात ?
दही दही री टेर लगाता
म्हारो कठ सूख जासी,
म्हारो हियो सूख जा सी,

तद मूल मू, अणजाण
 म्हारै मुखडा मू
 'वाह लो-या ह नो' निरळ आमी
 तो सगळी लोग दर्शना,
 आखी दुनिया म्हारी मगधरी करना ।
 जणा जणा मू मोल तोल पगता
 म्हारै धीरज रो छेह आ जामी ।

गूजरी रो जीवण ई कोई जीवण है ।
 इण खातर थन उडीकू रे काह ।
 थारी पथ निहाए रे काह

आव रे नदगाव रा गुवाळिया । वेगी आव,
 माखण रो मटकी लिया
 ऊभोडी उडीकू, वेगी आव ।

वदनामी

छाने क्यूँ मिळू
म्हारा कान्हू छाने क्यूँ मिळू ?

थारी मुरली
म्हारा ईं तो नाव नै
धरती आभै मे सरसावै,
वरस जुगा री छेली माठ लग पुगावै,
कुण नी मानै ?
कुण नी जानै ?

तो छाने क्यूँ मिळू
म्हारा कान्हू छाने क्यूँ मिळू ?

नगरी नगरी, हाट हाट, गळी गळी
लोग म्हनै जानै,
थारी म्हारी सूरत पिछानै ।
अक जीव रा अँ दो इदका रूप
कुण राधा, कुण गोपाळ ।

ओ जमना री नीर अथाग
थारा नै म्हारा भेळा भाग ।

रूखा रा सगळा पान थनै जानै,
म्हनै हर फूल हर कळी पिछानै,
तो छाने क्यूँ मिळू
म्हारा कान्हू छाने क्यूँ मिळू ?

वो आभौ धरती नै चूमै,

वे जमना री लै'रा सागर सू छूम,
 वो पून कदव रा काना मे
 प्रीत रा भीठा बोल सुणावै,
 वो पुहप सौरभ रै ममचै
 आपरा आलीजा भवरा नै
 घण मान सू बुलावै,
 वे भवरा पूला रै काना मे
 आपरी प्रीत रा गीत गुणगुणावै
 अं सगळा थारै म्हारै ईज हत रा रूप अनेक,
 थारी म्हारी प्रीत री रीत रा भाव अनेक,
 थारी प्रीत म्हेनै अमर करै ।
 थारी प्रीत म्हेनै पूरण करै ।
 तो छानै क्यू मिळू
 म्हारा काह छान क्यू मिळू ?

तिरस

बावली साथण
म्हण कु ज रें दुवारें
माडाणी वाथेडो कर लाई—
'देख थारो कान्हूडो
इण गूजरी री माथी
आपरे खोळें मे वरिया
उण रें केसा मोर पाख फेरें,
नेणा मे जोवें,
हिवडा मे भाखें,
वचकोळिया खणखणावें,
माखण ज्यू गोरी कळाया नें सहळावें,
अर थू मन मे मोद करें
नेणा मे गुमेज भरें
के थू कान्हा री
नें काहो थारो ।

नेणा निरखी वात कदै न कूडी होय, '
साप्रत कर लीजें पतियारी
आ थू राधा, नें ओ कान्हो थारो ।'

म्हें मुळकती री, निरखती री,
म्हें भाळती री, म्हें टाळती री,

थारें नखा री ओप
दीवा री जोन जोत मे जागें

थारै नैणा री तेज
चाद सूरज रै सागै,
थारै प्राणा रा भवका
चळापळ तारा नै पळकावै,
थारै हेत री निरमळ नीर
पान पान नै सरसाव,
थारी अमर प्रीत री सौरभ
फूला फूला मे मुसकाव,
थारै नैणा री नेह
जणा जणा मे छिळक ।

पण नेह उभळवै कोनी,
थारी ओप ऊतरे कोनी,
थारा प्राण रीतै कोनी,
काहूडा ।

यू ई लाख लाख प्राणा री ओका मे
थू नेह री अखट धार गटिया जा
कुण कितरी तिरसी ह
वेरी पड जासी,
कुण कितरी रीती ह
पोनी मिळ जासी ।

प्रीत री आ छेली साध,
नेह री आ परली सीव ।

इए सू आगें प्रेम री पथ कोनी,
इए सू आगें हेत री हृद कोनी ।
म्हारा सायब सू दुनिया सुख पाव
तो म्हारा हिवडा मे

अल्ट आणद लहराव ।

म्हारा सायब सू जे दुनिया कळपे
तो म्हैं जनम जनम दुख पाऊ ।

म्हारा गोवरधन गिरधारी
म्हैं वारी रे था पर वारी ।

कान्ह ।

आज था पर जितरी गरब करु थोडी,
आज था पर जितरी मान करु थोडी,

किए नै आज इतरी

आपरे आपा री गुमेज

कैं दूबती बस्ती नै यू वचायलैं ।

किए रैं हिया मे इतरी हूस

क परवत नै पेरवा भाथै नचायल ।

इए आणद मगळ री घडी मे

म्हने मत वरजो रे कोई,

भीजएदचो साथणिया

म्हने इए विरखा मे भीजएदचो ।

भिरोषा सू
 कामणिया फूल गेरगी ।
 तगारा री घोड़
 भर मोत्या री उद्याळा रं प्रीच
 यू किणी गट रं
 तोरण बाधमी ।
 भा बाबल रं गाढा हेन मे पळी
 कोई लाउली

भुर भुर
 पीर री माटी सू
 विदा लेमी,
 अर मुड मुड
 आपरा घर, दुवार नै,
 साथ, सग नै,
 गली, गवाड नै,
 गिरणघट, वाग न,
 रुखा नै, बेला नै, फूला नै,
 सूवा नै, कोयल नै, भवरा न
 छळछळाती आख्या
 देखती देखती पराई हो जासी ।

नई काह ! नई
 थारो म्हारो व्याव कोनी हो सक ।
 केई देसा रं टणका राजविया री
 थटाथट भरी सभा मे
 लाज मे सिवटघोडी,
 हिरणी सी डरघोडी,
 कोई बडभागण

धार हाथी हरण करवा री

कामना करती होसी ।

आधी रै वेग

वतूळिया रै भवर में

थ उरणै उडा लासी ।

परणवा रा कोडीला दूजा पतसाह

आपरी माग सुसता देख,

रीस अर अपमान री भाळा खदवदता,

थारै लारै

अजेज वा'र चढसी,

पण थू आपरें आपा रै पाण

पू नगत रथ मायें हाका धाका

उण कवारी न

थारै रगमै'ला ला बिठामी ।

नई कान्ह ! नई

थारो म्हारो व्याव कोनी हो सकै !

वीनणी तो जीतणी पडै ।

गऊ सी किणी कि'या नै

जीतवा सारू

केई राजा भेळा हुवा होसी ।

सैं आप आप रै

भुजदडा री वळ आकसी ।

कोई धनख तोडणी पडसी,

कैं कोई निसाण साधणी पडसी,

क वळैं कोई अणहोणी करणी होसी ।

थारी भुजावा री वळ

कवारी किन्या रै
 घरवाळा री प्रण पूरो करसी,
 अणजाण किन्या
 अणजाण सूरवीर रै गळा मे
 वरमाळा पूरसी,
 पुरोहित मत्र उचारसी,
 कडू वी मगळ गावसी,
 मावड वावल हरख रा गीत गवामी,
 खुसिया रा ढोल बजासी,
 छे'ला मौ'रत ताई
 हारचोडा मनहीणा राजा
 घमसाण मचावसी ।
 वाने भरपूर हराया
 थारे आगणियै रिमक्तिम करती
 लाडी आवसी ।

नई काह ! नई
 थारी म्हारी व्याव कोनी, हो सक ।
 थारी म्हारी बात ई न्यारी,
 म्हारे थारे प्रेम री जात ई न्यारी,
 आपा अँक दूजा सू
 अणजाण कठे ?
 सिस्टी रै पें'लें दिन सू
 अँक दूजा न ओळखा,
 आपा री व्याव किया होवं ?
 म्हारे आगणियै लाखा न
 साई दे क्यू बुलाऊ ?
 क्यू स्वयवर रचाऊ ?

क्यूँ हरेण रा साग कराऊँ ।
नारी रै माथै री माग
पुरख रै बल सू क्यूँ तोलू ?
म्हारी प्रीत अबोली, म्है क्यूँ बोलू ?

नईँ काह । नईँ
थारी म्हारी व्याव कोनी हो सकै ।

परण्या बिना हूँ
हर सिंभचा
म्है थारी बाट निहारी,
लोगा रा बोल सद्या,
घरवाळा रा घणा घणा तोख उठाया ।
तो ईँ म्है नी हारी रे कान्ह । नी हारी ।

थारै हाथा सिणगार करायी,
थनै कोड सू सिणगारची,
म्है थारी अस बणगी,
थनै म्हारी अस बणायी,
थारा दुख मे दुख जाण्यो,
थारा सुख नै सुख मान्यो,
थारी रीस आदरी,
थारै मनावण रुसणा करचा,
घणी रीभी, घणी खीजी,
थारै जीवण री
थारै वधण री
कामना करी ।

थनै रैकारो देती देती

कह न प [कहा] तुम्हारे ?

कह का ? ? ?

मगरी कगरी कगरी का ती हो मर !

मो मो कगरी मगरी मू

ते कगरी कगरी मू कगरी मू जगरी ।

रास

म्हाने कान्हो रमावे रास रे
घूघरा घूमर घुमावे, छम,
छम, वाजे रगताळी रास रे ।

चिमकें रस बीजळी ग्वाळण रें आगणें,
इमरत वळें है चादा—दीया रें चानणें,
नीलख तारा जगावे रास रे
घूघरा घूमर घुमावे, छम,
छम, वाजे रगताळी रास रे ।

लचकें है मोरिया, मुळकें रग वादळी
आभौ भुकें है आज धरती री छावळी,
लिछम्या बवावे म्हारो रास रे
घूघरा घूमर घुमावे, छम,
छम, वाजे रगताळी रास रे ।

अलेखू गोपिया, कान्हूडो अंक रे,
जेकलडो रूप जाणें होवें अनेक रे,
विरज री कामणिया गावे रास रे
घूघरा घूमर घुमावे, छम,
छम, वाजे रगताळी रास रे ।

म्हाने काहो रमावे रास रे
घूघरा घूमर घुमावे, छम,
छम, वाजे रगताळी रास रे ।

रुसणौ

भला ई जुपावी दीवा भँल मे,
भना ई सजावी फूला सेज ।
कोनी छोडा ओ म्हारा रुसणा ।

भला ई लडावे म्हाने दूतिया,
भला ई मनावी म्हाने कान्ह ।
कोनी छोडा ओ म्हारा रुसणा ।

वरण क्यू दियो थे छाने बादलघा,
हासी क्यू दीवी छाने बीज ।
कोनी छोडा ओ म्हारा रुसणा ।

पुहपा ने छाने मीठा मुळकणा,
कोयल ने दिया छाने बैण ।
कोनी छोडा ओ म्हारा रुसणा ।

नदिया रळकता थाने कुण वरजिया,
छाने क्यू सास भराई पून ।
कोनी छोडा ओ म्हारा रुसणा ।

प्रीत करता थाने कुण वरजिया,
छाने क्यू कामणिया ने नेह ।
कोनी छोडा ओ म्हारा रुसणा ।

रुसणी बुनावे नडा पीव ने,
रुसणी वधावे आभा हेत ।
कोनी छोडा ओ म्हारा रुसणा ।

होली

होली रा रग रग काई करी रे,
म्हारै तन भरिया रग दस बीस ।
हरियो तौ हिवडी म्हारी,
हरी हरी कूख म्हारी,
रमणा री कोड अखूट ।

फाग रमाऊ म्हारा कान्ह नै ।

होली रा रग रग काई करी रे,
तन म्हारी पीळी सिरसू खेत ।
नख म्हारा लाल ममोलिया,
होठा री हिगळू गै'री,
सिद्धरी अमर सुहाग ।

फाग रमाऊ म्हारा कान्ह नै ।

होली रा रग रग काई करी रे,
ग'री कसू मल म्हारी हेत ।
गै'री ई चम्पावरणी आस,
सोसणी सुपना म्हारा,
जोवन री लाल गुलाल ।

फाग रमाऊ म्हारा कान्ह नै ।

म्हारै रगा री होड काई करी रे,
कदै न हीणा पडसी म्हारा रग ।
घोया ना घुपसी सुपन,
तावडिये नी उडसी रे,
मिळसी ना रगरेजा री हाट ।
फाग रमाऊ म्हारा कान्ह नै ।

बिदा

आज थू मथरा जावै ।

भला ई जा,

महै कद रोकू ।

थारै मगळ पथ री अपसुगन कर कोनी,

थारा दुपटा नै खीच खीच फाडू कोनी,

निस्चै जाण,

हाथा रै लूम लूम थारी चतरण उतारू कोनी,

सनेसो भेजण री उतावळ करू कोनी ।

आज थू मथरा जावै ।

अेकर कु ज में चाल,

चपै रा फूल ताई हू,

सू घतौ जा ।

माखण मिसरी लाई हू,

चाखतौ जा ।

दही रोटी री सिरावण कर लै ।

थारै मगळ तिलक रवाऊ,

जमना रै नीर री वेवडो उठाया

थारै यामी आऊ

थू सुगन मनायलै ।

मुळ सू सुगन मनाऊ,

क'वै तो सुगनचिडी बण जाऊ,

पग पग माथै सुगन बधाऊ ।

थारै गिया पछै ई
 मुरली रै घूघरा बाधस्यु ,
 मुगट रै मोती टाकस्यु ,
 माळा मे चिरमिया पोवस्यु ,
 जठै जठै थारै पग रा निसाण है
 उठै उठै हरसिंगार रा फूल धरस्यु ,
 अकली ई कु जा मे वस्ती करस्यु ।
 खुदोखुद बतळ करस्यु ,
 म्हारी देह माथं
 जठै जठै थारै हाथा रा निसाण है
 उठै उठै केसर चन्नण लगावस्यु ,
 थू मथरा गियो
 तो थारी प्रीत नै
 गाढी साथण बणा राखस्यु ।

10981

 914192.

ओलू

आज आठू पौ'र
मन अणमणी रह्यो ।
माभल रात मे कोयल री कूक सू
भिचक नै आख खुलगी ।
मन मे चौफेर
बिचारा रा घेर घुमेर
वतूळा ऊठण लाग्या ।
इण सायत काहूडो कठ होसी ?
काई करती होसी ?
दुवारका रै रगमै'ला
रतनदीवा री भीणी जोत मे
फूला री सेजा माथ
रुकमणीजी, री गोद मे माथी मेल्या
कदाम मुखभर पोटचो होसी ।
थारै केसा मे । ।
राणीजी आपरी आगळिया उळभाय
रैसम होठा सू
'नाथ ! प्राणनाथ !' कैयनै
थनै मीठी वाणी मे वतळाता होसी ।
वारो दूजो हाथ
थारी छाती माथ
कवळ रा फूल ज्यू फवती होमी,

वारी आगळिया रा रतन जडाव नै
 थू पपोळती होसी,
 अर थारी आट्या रा चकोर
 सो'ळै सिएगार सजिया
 वारा चाद सा मुखडा री
 ओप-किरणा पीता होसी ।

×

कै भरधा दरवार मे
 राजसिंघासण रे माथे
 थे दोनू
 अळगै देसा सू आई
 नरतकिया रा मुजरा लेता होस्यो ।

वारै ठुमकै ठुमक
 रीझ्योडा रुकमणोजी
 मोत्या री मूठिया भर भर
 निछरावळ करता होसी ।
 नाच सपूरण हुया
 अपठरा जिंसी किणी नरतकी नै
 थू गळा री नवलखी हार
 घणा मान सू भेट करती होसी ।

×

कै कू कू केमर रा रतनचोळा भर
 रेसम र पीतावर
 माखण री सोवन मटकी लिया
 किणी वावळी गूजरी रे
 नैणा मे प्रीत री
 कसू मल रंग भरती होसी,

तद रुकमणीजी

आवा मुळकावता, भिभकता,

थनै पूछता होसी—

‘आ कुण, काहजी ? आ गूजरी कुण ?’

×

कै मै’ला रै डागळिये

ऊचौ मू डो किया

थू मडळ ढळिया तारा मे,

कदव री सेजा सूता चदा मे,

किणी री उणिमारी हेरती होसी,

अर पग चापता

राणीजी फरमावता होसी—

‘नाथ ! रगमै ला पधारी !

प्राण ! वादळमै’ला पधारी !’

×

कै थू रात रा सरणाटा मे,

म्हारै गळाई

माखण विना रीती मटकी ज्यू

रीतै प्राणा रा रीता बोल सुणनी

तीणा रु ध्योडी मुरली रा

रु ध्योडा सुर सुणतौ

पूला छाई सेज मायें

अठी उठी नै पसवाडा फेरती होसी ।

ल’रा मे रळमळ करती

चाद री छिन्न र उनमान,

नैणा मे छळछळाती

वाळपणै री अणगिण सायणिया री

प्रीत निहारती होसी,
 परा रुकमणीजी रा बीजळ परस सू
 लेंरा री वो भिळमिळाती चाद,
 नेंरा री वा छळछळाती प्रीत,
 अणछक अलोप व्हे जाती होसी,
 ती थू थोडी मुळकाय
 आट्या मीच लेती होसी ।

×

दवारका अर गोकळ विचाळ
 जमी आसमान री फरक ।
 उठें जमना कठें ? कु ज कठें ?
 माखण भरी मटकिया कठें ?
 पिणघट पूटता वेवडा कठें ?
 रास रमती गोपिया कठें ?
 राधा कठें ? राधा कठ ?
 राधा कठ ?

रुक्मणीजी

रुक्मणीजी म्हार काई लागें ?

तहोडी सोक ?

ना रे ना ।

वैनडली ?

ना रे ना ।

कठे वे जदुकुळ रें राजा री राणी

अर कठे म्है

गोकळ गाव रो गूजरी स्याणी ।

वे हीरा जडिया सिंघामण माथे,

वठ द्वारकाधोस रें साथ,

अर म्है जमना रें काठ

बु ज बु ज मे

कान्ह रें हीगळू पगल्या न

ठीड ठीड पूजती फिरू ,

उण री प्रीत रा मोठा गीत गाती फिरू

उण री प्रीत रा मोठा गीत गाती फिरू

समाज वानें साथण रो परवानो मू प्यो,

म्हण जणो जणो टोकी ।

पण जद

खाडव वन रो लाय बुभाय

म्हारी काह

बुसळसेम निवळ आमी

तो उणरें दाभघोडा फाला माथ

पलका कुण महळाई ?
 आसुवा री लेप कुण कोनौ ?
 जद काळीनाग नै नाथण
 कान्ह जमना मे चिमकी मारी
 तो उणरी कुसळ कामना सार
 देई-देवता नै
 रातीजगा री बोलवा कुण बोली ?
 जद काह
 गोरधन रा बोकू सू
 डिगमिगावती ही
 तो उणरा वारणा लेवण रै भिस
 पुण पगा माथे ऊभी रह्यो ?
 प्रळ मे भीजती रह्यो ?
 अघारी डगर मे
 बिजळिया रै बडक
 मेघा रै घरणाटे
 हिरणी रै सावक ज्यू डरियोडा
 काह रै
 छाती सू तगाय
 भाचळ मे कुण डापियो ?
 म्ह काह री मायण ह,
 वं मा ह, वं वं न ह,
 वं बह ह, वं बावेली ह,
 म्है खुद नो जाणू तो कांई न्ताऊ !
 पण गमणीजी ती कोरी परणी
 नी च त, ती नायण, नी बावेली,
 म्हारी बांगू ताई विरोचरी !

घनस्याम

वरसै रे बादळा वरसै ।

वरसै रे सावळा वरसै ।

समदर मै'ला, छोळा रै अधर पिलग

गोरी सीपा पसवाडा फेरै,

नाचत मोर रा

टेलडी आसू हेरै ।

तिरसा चातक तिरसा ई तरसै

घरती घण न्हाई

हरी हरी बूख सरसै ।

बादळा वरसै ।

स्याम रै वरण अ बादळा

म्हारा अ घनस्याम सावळा

भगभूप बीजळ पनवा भुपावै

पल पल गाज घुरै न म्हन चितारै

जोवो रे समारिया

म्हारी घनस्याम गिगा मयारै ।

गिगा मयारै म्हागे प्रीत रै पाण,

घाभै गो ऊचो

म्हारी प्रीत रै पराण ।

बठ अर दिन मो ई बाहर,

तठ अर दिन मो ई घाम्याम,

तटवो हो जमना रै गोर ।

पण म्हारी प्रीत रो ताप इसी,
म्हारै नेह रो आड ग इसी,
कै धरती रो नीर चढघी
अवर मे ।

म्हें सावळी नीर न्हावती,
चाद सो मुखडी भजकावती,
नैरा माछळघा
छोळा मे रळकावती,
नेह रा दीवा दान करती,
कवळ हिये रा
कवळ तिरावती ।
म्हारी सावळी पडछाया नै
सावळी नीर रो गोदघा मे रमावती ।

जद जाय नै श्री धरती रो नीर
ऊची चढघी अवर मे ।
प्रीत रा अँ कळाप नी करती तो
जमना रो नीर
चादळ किया वणती ?
छू गर किया चढती ?
गिगन किया जडती ?

प्रीत रे ससार रो सीव कठे ।
च्याहू कू ट,
दीठ लग
घनस्याम ई घनस्याम ।
म्हारी चनडी चरती,
केसा वू द वू द डळती,

नैरा आसूडा ज्यू नितरती,
 आज घेर घुमेर ।
 कामरूप ।
 तारा सू जडी चानणी रै गेह
 छोयादेह ।

प्रीत रै पाण ऊचो चढनै
 गिगन रै गोखा सू
 म्हनै भाला देव ।
 म्है मानेतण क्यू आऊ ?
 थ तिरछी छाटा ओसर
 म्है म्हारे ई आगण
 ऊमी न्हाऊ ।

वरस्या जा घनस्याम ।
 म्हारी प्रीतडली रा स्याम ।
 जणा जणा री तिरस भेट,
 ताप भेट,
 उमस भेट,
 आणद री भडी वरमाती जा ।
 सूखी धरती नै सरसाती जा ।
 म्हारे हिवडा मे त्रिलमाम
 सक्ळ प्राणा री जणजा स्याम ।
 वरस्या जा घनस्याम ।
 वरस्या जा स्याम ।

विजोग

आ कुण सुहागण,
आ कुण विजोगण,
ऊची मेडी पथ निहारै ।
रतनदीवा री जोत
नैणा रा मोती वारै,
ढळती किरत्या नै पूजै ।
हू गर ढळियै चाद नै चितारै ।

मत पछाडा खाव विजोगण,
तोड मत वीणा रा तार,
मत चू नडी री सिणगार उतार ।
कुण जाणै थारी मीट रै पार
घणौ कोडीली, घणौ उमायो
थारै हिवडै री भरतार,
अघारी डाकतो आवै ।

थारै नैणा री विजोग
म्हारै हिवडा री दाऊ ।
थारी बळती निसासा
म्हारै काळजियै री लाय ।
मत पछाडा खाव विजोगण,
थारै सारू
म्है सूरज नै रोकू ला,
चदा नै ढावू ला,
तारा नै बाधू ला ।

मत कुरळा अे चकवी,
 तयू आसूडा ढाळै !
 थारो खातर
 म्ह सिंभघा न रोवू ला,
 म्हें सूरज न बाधू ला,
 थारें नैणा रो विजोग
 म्हारें हिवडा रो दाभ !
 थारी वळनी निसामा
 म्हारें काळजियें रो लाय !
 थारा चकवा न विछडण दू कोनी
 मत कुरळा अे चकवी,
 मत आसूडा ढाळ !

भोळा पपंया वयू कुरळावें,
 म्हारी उमम वण वाळळ आवें,
 थारी तिरस म्हारी कठ सुखाव,
 थारी वळनी दाभ बुभाळ
 तद म्हें जनम जनम सुख पाळ !

अे चकोरी बावळी,
 वयू तिणगा रो चूण कर !
 थू वयू नणा नीर भरें !
 थारें खातर
 फिरणा नै लाऊला,
 थारी वळनी निसासा
 म्हार काळजियें रो लाय !
 थू मत आसूडा ढाळ !

ज भगणा तडफे,

नदियां नै मरोड लाऊला ।

अं नदियां पळपे,

हथेलियां समद बणाऊना ।

अं मवरा गिगवारे,

पण पण मे फूल उगाऊना ।

पलणौ

म्हाने सायणिया मोसा भारती ओ
कोइ नैण नचाती ब्रिज री नार
जमना मे धसमस अंडी धोवता ।

वरजती स्याणी भोजाया वरजती
बोलती पाडोसण म्हाने बोल
जद म्है आती रे थार वारण ।

टोकती सवासणिया म्हाने टोकती
कूबे मुळकाती रे पिणियार
जद म्है सुणती थारी वासरी ।

मावड री आख्या मोनी दमकता
सुपना मे आता आळ जजाळ
जद म्है चढियोडी नदिया लावती ।

काकड मे गाया ताबाडती
रिडकारा देती भूरी भोट
जद म्है विरछा री डाळा लूमती ।

पगा मे गडता म्हारे काकरा
चभता ओ चुभता म्हार सूळ
लुकती जद म्है सेता री बाड मे ।

टरती ओ डरती वन मे धूजती
हथेलिया ढकती म्हारा कान
जद म्है कुवेळा बाट उडीकनी ।

भाघे अधारे वादळ गरजता
धारोळा भोगरता चौफेर
भाघे चौमासे भोजी अंकली ।

तोई नी पूगीजी म्हारी साध
भाज मडोळी म्हारी प्रीत
भाज मलूणी म्हारी गोद
वरम तो माडपा वेमाता मुरणा ।

वन वन भटकू रे अंकली
हेरू कोई चमरण बेरी रू छ
सोग्भ तो च्यारू कूटा सचरे ।

मोवन मवाढी हाथा वाडसू
वाड घडाऊ सुरगी पालणी
पालणे जडाऊ रतन जडाव
पालणे मुलाऊ धारी प्रीत न ।

ममवाडे ममवाडे मोनल धूधरा
भोटा देवण न रेमम डोर
हालरियो हुलराऊ धारी प्रीत न ।

धुधकी न्हासू ओ मीठं मुळवणे
वाह ओ वारू नो मण लूण
वातू ओ वाळा डोरा प्रीत रे ।

मारें किलकारी म्हारी पालणी
रोवं पालणिय म्हारी प्रीत
रगमुरा खुणखुणिया वाजे सोवणा ।

कद म्हार काधें पडसी लाळ
कद ती धोळला पीळा पोतडा ।

प्रीतडली निरफळ म्हारें भाग
कोई सू ए ती अपसू एा म्हारें होय
करम ती माडघा वेमाता वूरणा ।

पुच्छ

मन रा मीत कान्हा रे—

घर घर सू भागी आई गोपिया,

जमना रै काठै रमल्या रास,

नटवर नागर,

अंकर वजादै थारी वासरी ।

मन रा मीत कान्हा रे—

पिचरग घाघरिया घेर घुमेर,

ओढ़ण ताराळी बोरग चूनडी ।

वाया मे वा नृवद री लूम,

पगल्या मे वाध्या बिछिया वाजैणा ।

आभा मे पूनम केरी चाद,

आकळ उडीकै थारी गोपिया ।

मन रा मीत कान्हा रे—

मिमजरिया भरदै वारी माग,

हाथा रचादै मै'दी राचणी,

सुळभादै उळझ्या कवळा केस

फूला मजादै वेणी नागणी,

अतस मे भरदै गै'री हेत,

नेणा मे भरदै मुरता सावळी ।

मन रा मीत कान्हा रे—

गोयर सू काळी घेण उछेर,

गोहै उडीक साथी ग्वाळिया ।

मटकी भर माखण लोज चोर,
 मावड नै देस्या भीठा ओळमा ।
 पिणघट पिणघट गागर दीजै फोड,
 रस मे भीजैला कोई गोरडी ।
 लुक जास्या ववळा केरी आड,
 थार मनावण करस्या रुमणा ।
 आवंली सावणिया री तीज
 झूला धलादधा वेगौ आवजे ।

मन रा मीत का-हा रे—
 नवी सुणी रे म्है आ वात,
 फौजा तो चाली थारी जुद्ध मे ।
 कुरु रं खेत घुरै नवाळ,
 सख सुणीजै सेना सज्जणा ।
 अवर मे उडती दीसै खेह,
 वाहण तो चाल्या थारा पू न सा ।
 हस्ती घुडला री चतरग चाक,
 घजा फरूक थारै सेन री ।
 बीजळ सी खागा केरी धार,
 बाका धनखा रा तीखा तीरडा ।
 मंगळ ज्यू झूमे रे जू भार,
 घरती घर्जे रे अवर लडथड ।

मन रा मीत का-हा रे—
 कुण थारा दोयण कुण रे सैण,
 राता नोयण क्यू बाकी भू हडो ।
 धारण क्यू करिया रे षडियाळ,
 छोड्या पीतावर क्यू रे सोहणा ।
 मीस बचावण क्यू सिरत्राण,

मोड क्यूँ उतारचा मोर पाख रा ।
 मुरली रै बंदळै कर कोदड,
 चिरमी री माळा आगी क्यूँ धरी ।

मन रा भीत कान्हा रे—

जग मे जे मडग्यो घमसाए, ती
 भाई पर भाई करसी वार,
 आपस मे लडसी, मरसी मानखी ।
 चुडला फोडै ला काळा श्रोड,
 अमर सुहागण थारी गोपिया ।
 कामणिया बिकसी बीच बजार,
 कुण तो उघडी बै'ना नै ढाकसी ।
 पिरथी पुरखा सू होसी हीण,
 टावर कहासी बिना बाप रा ।
 कुण करसी धीवडिया री व्याव,
 कुण तो कडू बी वारी पाळसी ।
 अणगिण भावडिया देसी हाय,
 मुडजा, फौजा नै पाछी मोडलै ।

मन रा भीत काहा रे—

जग मे जे मडग्यो घमसाए, ती
 कुण तो बणासी सतछड मै'ल,
 कुण तो चिणासी मैडी माळिया ।
 कुण तो उगेरै मोठा गीत,
 कुण तो बाचला पोथी पानडा ।
 कुण करसी गोखडिया मे जोत,
 कुण तो माडैला आगण माडणा ।
 कुण तो मनावै वार तिवार,
 कुण तो तुळछा गवरा नै पूजसी ।

अणपूज्या सात्यू सिभघा देव,
 घुण तो करसी रे मिंदर आरती ।
 मिटता जीवण री थनै आण,
 मुडजा, फौजा नै पाछी मोडलै ।

मन रा मीत कान्हा रे—
 जग मे जे मडग्यो घमसाण, तो
 फोयल कुरळासी वागा गाय,
 नाचता थमसी वन मे मोरिया ।
 चीला मडरासी हरियै सेत,
 गीधण भवैला सगळै देस पर ।
 डाकणिया रममी रात्यू रास,
 चौसठ जोगणिया छप्पर पूरसी ।
 घरती माता री लाग साप,
 मुडजा, फौजा न पाछी मोडलै ।

मन रा मीत कान्हा रे—
 जग मे जे मडग्यो घमसाण, तो
 भातो लै भवसी रे भतवार,
 हाळी जद लडवा जासी सेत मे ।
 हळ री हळवाणी वणसी संल
 खुरपी सूर री जडिया बाढसी ।
 मुडदा री लोथा री निनाण,
 लोई री पाणत व्हैसी रेत मे ।
 कामेतण देसी थनै गाळ,
 मुडजा, फौजा नै पाछी मोडल ।

मन रा मीत कान्हा रे—
 जग मे जे मडग्यो घमसाण, तो

जमना मे लोई रै'सी नीर,
 माटी रै' जामी लाखा बोटिया ।
 वस्ती मे घावा रिसता सूर,
 लूला लगडा वण थनै भाडसी ।
 अणघड रै' जासी सगळी भोम,
 ऊजड विरगी होमी कोटडिया ।
 क्यू मेटे रखवाळा रो नाव,
 मुडजा, फौजा नै पाछी मोडलै ।

मन रा भीत कान्हा रे—
 आज्ञा रे दूधा धोल्या हाथ,
 मुडजा, फौजा नै पाछी मोडलै ।
 गोरस भाखण सू रगल्या होठ,
 मुडजा, फौजा नै पाछी मोडलै ।
 आज्ञा गोरी नै भरलै वाथ,
 मुडजा, फौजा नै पाछी मोडलै ।
 आज्ञा रे पिणघट करल्या वात,
 मुडजा, फौजा नै पाछी मोडलै ।
 आज्ञा रे ओज्यू रमल्या रास,
 मुडजा, मुडजा फौजा नै मोडलै ।



राजस्थानी की ध्वनि, लिपि व व्याकरण

सबसे कुछ अत्यावश्यक जानकारी

ऐतिहासिक दौर में पहले मनुष्य ने बोलना सीखा—फिर लिखना। अक्षरों की बनावट बोली का ही मौन रूप है। किंतु बोली के अनुरूप लिपि कभी भी पूर्ण और उसके समान नहीं हो सकती। जो कुछ बोली में है वह यों का यों संपूर्ण रूप से लिपि में नहीं ढाखा जा सकता। वह तो निपट से निपट उच्चारण का एक सामाजिक इशारा है।

विश्व भर की सभी भाषाओं की उच्चारित करने के समान स्थान हैं—कठ, तालु, मूर्धा, दाँत और होठ। इन सभी स्थानों पर प्रायः जित्वा के सयोग से [प वग के अलावा] भिन्न ध्वनियाँ मुखरित होती हैं। अनुनासिक ध्वनियों के लिये नाक का भी मनुष्य की वाणी में स्थान है। कुछेक अक्षरों के उच्चारण में दो-दो स्थानों का योग रहता है।

वाणी की उच्चारण विधि के समान-स्थान होने पर भी हर व्यक्ति कबीला, प्रांत और देश के अपने विभिन्न ध्वनि-स्तर हैं। उच्चारण के स्थानों की समानता होने के कारण विश्व भर की सभी भाषाओं में प्रायः ध्वनि-साम्य भी है और व्यक्ति, जाति, प्रांत और देश की विभिन्नताएँ होने के कारण ध्वनि-स्तरों में विभिन्नता भी है। इसलिये उच्चारण की ध्वनियाँ में समानता होने पर भी हर जाति की ध्वनि संपत्ति भिन्न है। और या मनुष्य की वाणी में ध्वनि मुख्य न होकर, यथाय को समझने का जो ध्वनि-संकेत है—वह मुख्य है।

विश्व की सभी भाषाएँ विदुषों और लकीरों के योग से बनती है। विदुषों और लकीरों की समानता के बावजूद भी लिपियों में अनेकानेक विभिन्नताएँ हैं। और लिपि यदि समान भी हो तो उसकी उच्चारण ध्वनि में भिन्नता होती है।

संसार भर की सभी व्याकरणों के मूल सिद्धांत प्रायः समान होने पर भी हर भाषा की नई व्याकरण—व्याकरण के इतिहास में एक नई समृद्धि है। मूल सिद्धांतों की समानता के कारण सभी व्याकरण समान और एक

नहीं होती, किन्तु अपनी विभिन्न विशेषता के दावे के कारण हर भाषा की व्याकरण अपना भिन्न अस्तित्व रखती है।

अ, इ, उ—ये तीन स्वर मनुष्य की वाणी से सवधित मुख्य ध्वनियाँ हैं, जो अधिकांश भाषाओं के वाणी-रूप का आधार-स्थल है। इन्हीं मूल स्वरों के योग से सम्पन्न होने वाले संयुक्त स्वर—आ ई, ऊ ए, ऐ, ओ औ हैं जिसका ध्वनि-काल ह्रस्व से दीर्घ हो जाता है। ह्रस्व और दीर्घ के ध्वनि-काल का विभेद, उच्चारण के विभिन्न भेद उत्पन्न कर देता है। ध्वनि-स्तरा की यह विभिन्नता सँकड़ा स्तर पर अकिञ्चन भेद के साथ व्यजित होती है।

राजस्थानी में ए ओ की ध्वनि के वर्तिस्पत ऐ और औ की ध्वनि का उच्चारण अधिक है। किन्तु इनका उच्चारण की अपनी विशेषता है। अ की ध्वनि ओ का दीर्घ रूप 'अइय' न होकर अँ और अँ के बीच की ध्वनि है। और ओ का उच्चारण औ का दीर्घ रूप 'अउव' न होकर औँ और औँ के बीच की ध्वनि है। जिस प्रकार हिन्दी में— वह जाता है वाक्य में 'है' का उच्चारण हइय न होकर हैं और हैं के बीच का है, इसी प्रकार राजस्थानी में दुल्ल व काना दुल्ल का प्रयोग होता है।

राजस्थानी की ध्वनि-संपत्ति और उसके लिपि सकेत सङ्कृत से अधिकांशतया मिलत-जुलते हान पर भी एक नहीं है।

राजस्थानी में श्रु की ध्वनि है किन्तु उसका भिन्न लिपि-सकेत नहीं है उसको रि करके ही लिखा जाता है। पृथ्वी, सृष्टि और दृष्टि आदि शब्दा में जो यह का चिह्न है उसे अघ र और कभी कभी अघार के साथ रिकी मात्रा से लिखा जाता है—प्रियमो या प्रयमा या लिप्टो या सस्टो और द्रिस्टो या द्रस्टो आदि।

राजस्थानी में श्रु से दीर्घ ल की ध्वनिया नहीं है।

उ, ऊ के लिपि सकेत घोड़े से भिन्न हैं किन्तु अब राष्ट्रीय पैमाने पर लिपि की एकता की ध्यान में रखते हुए उसे उ ऊ में ही स्वीकार किया जाना ठीक है।

ए ऐ की ध्वनिया हैं, लेकिन उनके सकेत ऐ, अ हैं।

सङ्कृत में अन्तिम स्वर अ की राजस्थानी में कोई ध्वनि नहीं है। इसके बजाय राजस्थानी में अन्तिम स्वर 'माना-मस्त' आँ है। लेकिन यह वणमाला गणाने की एत परिपाटी के रूप में ही प्रचलित है, इसको स्वतन्त्र स्वर नहीं कह सकते।

राजस्थानी की अपनी पुरानी लिपि में ख, घ, ङ, ञ, ण, न की इन ध्वनियों के लिपि-संकेत संस्कृत से काफी कुछ भिन्न हैं, किन्तु अब आधुनिक धर्माईपग की सुविधा के कारण संस्कृत के संकेतों की ही ग्रहण कर लिया गया है।

वर्णमाला सिखाने की परिपाटी रूप में 'अ' [नियी खांदी चढ़मा] प्राचीन पाणालो की शिक्षा-पद्धति में सिखाना तो जाता है किन्तु अब इसका न बालन में और न लिखने में ही प्रयोग होता है। इसका अब अनुनासिक मन्त्र जैसे पञ्चाव, चञ्चल आदि में यदि इसे प्रयोग में न लाकर बिंदी से ही सभी अनुस्वारों को व्यक्त करते हैं तो फिर इस व्यंजन की कोई उपयोगिता नहीं रहती।

तालव्य ग और मूढव्य ण की ध्वनियाँ ता हैं—लेकिन लिपि में दाती स ही प्रयोग में आता है।

स की जो प्रचलित ध्वनि है इसका स्वतन्त्र संकेत नहीं है, इसे य के रूप में ही लिखा जाता है।

समुक्तांगर स की ध्वनि राजस्थानी में नहीं है। स का राजस्थानी में छ व या घ में परिवर्तन हो जाता है। जैसे सक्षण का सखण, सक्रमण का लिच्छमण और राक्षस का राक्स।

राजस्थानी में रेफ का प्रचलन बोली में नहीं है। रफ का या तो पूरा र हो जाता है या उसका पहिले अक्षर में आगम हो जाता है। धर्म का धरम या धम, नम का नरम या नम हो जाता है। अधिकांश रेफ का पूर्ण र ही अधिक होता है। आगम अघ र का प्रयोग प्राचीन कविताओं में ज्यादा होता था।

क्त की समुक्त ध्वनि राजस्थानी में नहीं है। क्त का पूर्ण क या क हो जाता है। रक्त का रगत या रक्त, शक्ति का सगनी, वक्त का वगत या वक्त या वक्त आदि।

अनुनासिक अघ व्यंजन ङ, ञ, ण, न का प्रयोग बोली में होकर भी हमें विभिन्न संकेत नहीं हैं। सभी को अनुस्वार के द्वारा ही लिखा जाता है। चंद्र बिंदु का प्रयोग भी नहीं होता। मातृ भाषा के उच्चारण की सहजता स्वयमेव अपनी गति पकड़ लेती है। किन्तु अभाषा-भाषियों के लिये अनुस्वार के बदल में विभिन्न अनुनासिक व्यंजनों का समुक्त प्रयोग हो तो अधिक सगत रहता है।

राजस्थानी म आ की ध्वनि स शुरू होने वाली मना विशेषण, क्रिया और अव्यय के आगे यदि कोई अनुनासिक व्यंजन ए, न, म हो तो आ की ध्वनि से प्रारम्भ होने वाले अक्षर पर प्रायः अनुस्वार का बोलने म स्वयमेव उच्चारण हो जाता है। जैसे—बाए, स्याम, राखी, जान, नानी, राम, दाम, मामी, सामी व पाए आदि। कुछ अन्वादेश भी हैं जैसे आदेश म आ के बाद अनुनासिक व्यंजन होते हुए भी आ पर अनुस्वार नहीं बोला जाता।

क्रिया के विविध रूपों म जो अपरिवर्तित अक्षर है उसे धातु कहत ह। यदि क्रिया के धातु रूप म आ ध्वनि वाले अक्षर के बाद अनुनासिक व्यंजन है तो आ स प्रारम्भ होने वाले अक्षर पर बोलने मे अनुस्वार की ध्वनि स्वयमेव निकल आती है। किन्तु धातु रूप म अनुनासिक व्यंजन नहीं है तो क्रिया के बने हुए रूप म यदि अनुनासिक व्यंजन आ भी जाय तो अनुस्वार नहीं बोला जाता। जैसे जा धातु म अनुनासिक व्यंजन नहीं है तो इसके बनने वाले रूप 'जाखी' पर अनुस्वार नहीं लगगा। किन्तु जाए धातु मे अनुनासिक व्यंजन ए है तो जा पर अनुस्वार बोला जायेगा। इसके धातु के विविध रूप जाणै, जाणा, जाणू इन सब पर अनुस्वार लगेगा।

इन सबके अतिरिक्त राजस्थानी की अपनी कुछ विशेष ध्वनियाँ हैं। प्राचीन प्रतिया म जिनके सकेतो का सत्य निश्चित सवमाय रूप नहीं मिलता परन्तु बोलने म ये ध्वनियाँ प्रायः निश्चित और सवमाय हैं। ध्वनियों की भिन्नता के अनुरूप राजस्थानी के आधुनिक साहित्य म यदि इनके लिपि सकेतो का स्वतंत्र प्रचलन नहीं हुआ तो अर्थ के अन्ध हो जाने की सम्भावना है।

राजस्थानी म ल की ध्वनि के साथ ल मूधय की ध्वनि इतनी महत्वपूर्ण और आवश्यक है कि उसके प्रयुक्त न होने से पूर्णतया अर्थ ही बदल जाता है। उदाहरण खाल=चमड़ी, खाल=नाली। काल=कल, काल=मृत्यु रक्त। काली=पागल, काली=काला रंग।

एक ह और स के बीच की ध्वनि है। जो न स है और न ह। इसको अपने स्वतंत्र सकेत स के रूप म ग्रहण किया जा रहा है। किन्तु मुद्रण मे जब तक इसकी सुविधा न हा तो इसने बदले मे स ही लिखा जाना चाहिये ह नही। ह स अधिकांश शब्दों के अर्थ बदल जाने की सम्भावना है। उदाहरण साव=स्वाद। यदि इसे साव न लिखकर हाव लिख दिया जाय तो इसका अर्थ हाव-भाव हो जायेगा। सीरी का मतलब है हलुआ यदि इसको सीरी न लिखकर हीरी लिख देंगे तो इसका अर्थ हीरा हो जायेगा।

एव व और घ के बीच की ध्वनि है। जो न घ है न घ। इसको घ कोमल करके बोला जाता है। मुद्रण की सुविधा न होने के कारण इसको व और घ के द्वारा ही लिखा जाता है। बोलन में व, घ, घ की ध्वनि स्पष्ट न हो तो अर्थ बदल जाता है। उदाहरण दाव=मीना, दाव, धाव=दौड़ना तथा एव लवही विशेष, धाव=पशु।

एव व, भ और ब के बीच की ध्वनि है जो न व है, न भ और न ब। इसका भी स्वतन्त्र रूप से सब-मात्रा सकेत निर्धारित नहीं हुआ, किंतु उच्चारण में इसकी ध्वनि सुनिश्चित और स्पष्ट है। इसे स्वतन्त्र लिपि-सकेत में व करके लिखा जाना उपयुक्त है। माधुनिक मुद्रण में इसकी सुविधा न होना पर इसको व, ब के रूप में लिखना चाहिए, न करके नहीं। उदाहरण बार=दिन [जैसे रविवार], बार=दरवाजा, बार=बिस्ती से लड़ने के लिये पीछा करने वाली टुकड़ी, भार=बोझ। यदि बार को इस स्वतन्त्र सकेत द्वारा नहीं लिखा जाय तो अर्थ बदल जान की संभावना है।

राजस्थानी में फारसी के विभक्ति चिह्न

कारक	विभक्ति चिह्न
वर्त्ता	कोई विभक्ति चिह्न नहीं है।
वम	ने नू, ना, वो, कू।
वण	सू, ऊ, ती, सेती, हूत।
सप्रदान	रं वं, वई, माटे, भाटे, वासवै, कारण, सारू, ताई।
अपादान	सू, ऊ, ती, सेती, हूत।
सवध	रा री, रै, री, वा, वो, के वो, चो, चा ची तणी, तणी, तण।
अधिवरण	मे, माय, परै, पै, मायै, ऊपरै, ताई, धन, वनै, नखै, गोडै पाहै, पास, पागती, आदि।
सबोधन	ह ! हो ! अरे ! ओ !

राजस्थानी में सज्ञाओं के बहुवचन की विधि

अकारान्त शब्दों में १ की मात्रा लगाने से। उदाहरण पान—पानां, यात—याता, गाव—गावा।

प्रकारान्त शब्दों में आ और वा जोड़ने से। उदाहरण राजा—राजावा, राजामा, पिता—पितावा, पितामा।

इकारात्त शब्दों में या जोड़ने से । उदाहरण वधि—वधिया, मति—मतिधा, जति—जतिया ।

ईकारात्त शब्दों में दीर्घ ई को ह्रस्व इ करके या जोड़ने से । उदाहरण हाथी—हाथिया, नदी—नदिया ।

उकारात्त शब्दों में आ या वा जोड़ने से । उदाहरण गउ—गउआ, गउवा, गुरु—गुरुआ, गुरया ।

ऊकारात्त शब्दों में दीर्घ ऊ को ह्रस्व उ करके आ या वा जोड़ने से । उदाहरण ढालू—ढालुआ, ढालुवा ।

एकारात्त और ऐकारात्त सज्ञाएँ राजस्थानी में प्रायः नहीं हैं । एकारात्त सज्ञाओं में अ की ध्वनि का लोप होने से कुछ सज्ञाएँ हैं जैसे मेह का मे, और सेह का से, इनके आगे आ या वा जोड़ने से । जैसे मे—मवा, मेमा, से—सेवा, सेमा ।

एकारात्त में सज्ञाएँ अपने बहुवचन में भी उसी रूप में रहती हैं, उनका दूसरा रूप नहीं बनता । जैसे रावळ—रावळ, नप—नप ।

राजस्थानी में ओकारात्त सज्ञाएँ प्रायः ओकारात्त ध्वनि में ही चली जाती हैं । यदि इसमें केवल एक ही अक्षर का शब्द है तो उसके आगे आ या वा लग जाता है । जैसे गौ' का गौआ या गौवा । इसमें अ की ध्वनि लोप होने का कारण अकारान्त वाला नियम ही लागू होता है, किंतु बाकी सभी ओकारात्त में बदलने से बहुवचन बन जाते हैं । जैसे घोड़ी—घोड़ा, छोरी—छोरा, गाभी—गाभा । कर्त्ता कारक में ओकारात्त करने से बहुवचन बन जाता है । किन्तु अय कारक में विभक्ति चिह्न लगने से ओकारान्त हो जाते हैं । जैसे घोड़ा सू, घोड़ा नै ।

राधा मे प्रयुक्त शब्दों के अर्थ

संज्ञाएँ

धणहूत = भावी
 धपसू ए = धपशनुन
 धतम = धतर
 धावळ = धावुलता से
 धाटी = धीरता मे वेशो म
 गू घने की चोटी
 धाळ जजाळ = स्वप्न के धिम्य-
 दृश्य
 धापै = सहारे
 धापी = धात्मचेतना
 उणिपारी = शजन मूरत
 उमस = ताप
 उतावळ = शीघ्रता
 धोक = अजली
 धोलमा = उलाहना
 धचकोळियां = धूडियां
 धडूवी = कुटुम्ब
 धडियाळ = जिरहबख्तर
 धवाडो = कुरुहाडो
 धावड = भूमि, सीमा
 धावरा = कवड
 धावळी = धचुकी
 धाळ = धटा
 धाढे = विनारे
 धामणिमा = धामिनिये
 धामेतण = मजदूरिन

धामरूप = इच्छानुसार रूप
 धारण करने वाला
 धोटदियां = धतियि-गृह
 धोदड = धनुष
 धागा = तलवारें
 धुणधुणिया = धितोन
 धोळी = गोद मे
 धवरा = गीरी
 धाळ = धाली
 धोखदिये = धवादा
 धोयर = गांव के बाहर का
 धुला स्थान
 धोरडी = गोरी
 धोहे = धेतों के बीच का मार्ग
 धमसाण = धूद
 धुडला = धोडे
 धूमर = राजस्थानी लोव नृत्य
 धतरग धान = धतुरगिनी सेना
 धितराम = तस्वीर
 धीगट = धिकनाहट
 धुडला = धूडा
 धावळी = धाया
 धीयादेह = धायातन
 धोळां = लहरें
 धडिया = जड
 धला धला = जन जन

जान = वरात
 तू झार = बुढ़ म जू झ कर मरन
 बाल
 मोट = भस
 टावर = बच्चे
 ठीडा = छेद
 डागलियै = छत पर
 डाडी = पगड़डी
 हू गर = पहाड
 तावडियै = धुप म
 तिरुगा = चिनगारियां
 निवार = त्योहार
 तीणा = छेद
 तोख = खुशामद
 दायजी = दहेज
 दोठ = दष्टि
 दुलेवडी = दा तहा म सिमटी हुई
 दोयण = दुश्मन
 धजा = ध्वजा
 धनख = धनुष
 धारोळा = बोछारें
 धीवड = लडकी, बटी
 निनाण = फसल मे उगी हुई
 व्यथ घास
 पगातिया = सीढिया
 पडवा = शयन कक्ष
 पडछाया = परछाई
 परसवी = पसीना
 प्रळे = शलय
 पाणत = क्यारियो म पानी देन
 की त्रिया
 निणियार = पनिहारिन
 पुणचो = कत्ताई पहुचा -

पुरख = पुरुष
 परवा = उगली का प्रतिम छार
 पोतडा = बच्चे के मलमूत्र का
 कपडा
 पोपी पानडा = पान विमान के
 ग्र य मोर पत्र
 पोयण = कमल
 बतूळियो = वातचक्र
 वाय = भुजपाश
 वाय = वायु
 बिछिया = पायल
 बिणखडिया = कपान
 विरखा = वर्षा
 विरछा = पडो पर
 वीज = बिजली
 वीनणी = वधू
 वेवडो = पानी के दो घडे
 भतवार = खेत म खाना ले जाने
 वाली
 भाती = किसान के लिये भेत म
 पहुचाया जाने वाला खाना
 भाखर = पहाड
 भू हडी = भौह
 ममोलिया = बीर बूट्टी
 माभल रात = मध्य रात्रि
 माठ = दो खेता के बीच की सीमा
 मानखी = मनुष्य
 मानेतण = मानिनी
 माडणा = रंगोली
 माळिया = ऊपर के कमर
 मोट = दष्टि
 मुडदा री लोषा = मुर्दों के शव
 मडी = ऊपर का कमरा

मैगळ = हाथी

मो रत्त = मुहूर्त

रत्तन बचोळा = रत्न जडित

कटारे

रीस = क्रोध

रुसणी = रुठने की क्रिया

रु रु = रोम रोम

रोहीडो = वृक्ष विज्ञप

लाडी = वधू

लाळ = बच्चे के मुँह से गिरने

वाली लार

लाप = प्राण

लोई = रक्त

लोण = भाँवें

वाहण = रथ

वायेली = प्रेमिका

विजोगण = विद्योगिनी

वमाता = विधात्री

सवासणिमा = वहिन बेटिया

५०

सातू सिझ्यां = सातो सुधयार्थ

सायव = पति

साग = स्वाग

सायत = समय

सिरावण = बलेवा

सोव = सीमा

सुरता = शबलें

सू ए = शकुन

सैण = भास्मीय

सैत = भाला

सोव = सीत

हळवाणी = हल के भागे लगने

वाली लोह की नोक

हाळी = खेतो में काम करने

वाला मजदूर

हाती = सीमात

हेत = प्रेम, मित्रता

हेमपुहप = धपा का फूल

सवनाम और विभक्तियाँ

महै, हू = मैं

महनै = मुझे

भापरा, भापरै = भपना, भपने

धू, धारा, धारी धारी = तू,

तारा, तेरी, तेरा

वो, वे = यह वे

भा, भाँ = यह

इ नै = इसको

भा नै = इनको

यानै = उनका

इण, इणी = इस, इसी

उण = उस

इतरी = इतना

जितरी = जितना

वाइ = क्या

कुण = कौन

कद = कब

कीकर = कैसे

विणी = किसी

जेडो = एसी

विशेषण घोर भक्तकार योजना

भूट = भक्षय
 भचपळा = चचल
 भछेही भास = भसीम भाशा
 भणमणी मन = उदास मन
 भडोळी प्रीत = सूनी प्रीत
 भजेज = भविलम्ब
 भयाग = भयाह
 भवोटपुणची = भस्पश्य कलाई
 भवोली = मोन
 भलूणी गोद = सूनी गाद
 भलेखू बार = लाखा बार
 भालीजा भवारा = भस्त भेंवर
 भाटीले भवारा = तिरछी भोंहें
 भाघे अघारे = अवे अघकार मे
 इदके, इदकी = अधिव
 घोप किरणा = लावण्य की
 किरणें
 वमगर हाथ = कुशल हाथ
 वसू मल = लाल
 मठा रें पोषण = कठ का वमल
 वामणगार = जादूगर
 कुवेळा = असमय
 कोरामोरा = सिफ, केवल
 कोडीली = प्रिय
 धामची = कुशद
 गवरल सिक्का = गौरी रूपी
 सांभ
 पणी पणी = बहुत बहुत
 चतर = चतुर
 चळापळ = चमकते हुए
 चपावरणी भास = चम्पे के रंग
 की भाशा

चोळमजीठ = लाल मजिठ
 छत्रवाळी = विविध रंगों से
 सम्पन्न
 छळगारी लाज = छलनायमी
 लज्जा
 छेल माठ = भन्तिम सीमा
 जाणें म्हारी भाग री चितराम =
 मानो मेरी भाग का चित्र
 भाभा हेत = धनिष्ट प्रेम
 टणका = शक्तिशाली
 दरस = शीतल दशन
 ताराळी = तारों वाली
 घटायट = वेहद, अपार
 नखराळा = नखरे करने वाला
 नवसर हार = नौ नया हार
 निवायी परस = उष्ण स्पश
 परली सीव = उस पार की
 सीमा
 पू न गत = पवन को गति के
 समान तेज
 पू न पालकी = पवन रूपी पालकी
 बडभागण = बड़े भाग्य वाली
 बाजणा = बजने वाले
 बीजळ परस = बिद्युत स्पश
 वैण जानकी = सीता रूपी वचन
 वोद बास = पुराने बास
 बोरग = बहुरंगी
 भोळो डाळी = भोलाभाला
 मनहीणा = निराश
 मडळ डळिया तारा = भपन
 मडल म डले हुए तार
 मुळकती = मुस्कराता

मँदी रँ उणियार = मँहदी के
समान

स्तनाळै हीगळू = ताल हिगलू

रसीली = रसिक

राचणी = रजिन

रूपल = रूपवान

रूपाळी = सुंदर

रेशम होठा = रेशमी होठों से

लजवती लाज = लज्जा

ल्लोढी सोक = छोटी सीत

विरगी = कुत्त

सगळै, सगळी = सब

सतपड मै'ल = सात खंडों का
मकान

सरणाटा रा पगोतिया = शून्य
की मोटियाँ

सवाई साध = तीव्र साध

स्याणी = सयानी, सीधी

सुगणी जसोदा रा जाया =

सुगणी यशोदा के पुत्र

सुरगी पगयली = सुंदर पगयली

सुरगै गाला रँ बसू मल मै ला

सु = सुंदर गालों के गुलाबी
महलो से

सुरा रा त्रिछिया = स्वरों के
पुष्कर

सुपारी सी अंडी = सुपारी के
समान एंडी

सोनतिया = स्वर्णम

सोवन मटकी = सोने की मटकी

सोवन कदोरी = स्वर्णम कदोरी

हरिमल = हरा-भरा

हठीली = जिद्दी

हाका घापा = जवरन

हीगळू पगल्या = हिगलू के समान
पैर

हेजळी जांमण = स्नेहमयी माता

हेत री निरमळ नीर = प्रेम का
निर्मल नीर

हेम रँ उनमान = यक्ष के समान

होठां री तिछमण रेखा = होठों
की लक्ष्मण रेखा

अव्यय और क्रिया विशेषण

मठी उठी नै = इधर उधर

अणछव = अचानक

अवै = अब

अर = और

जेकर = एक बार

भाज्जू = और, फिर से

कठा लग = वहाँ तक

कठा सू = वहाँ से

कठै = वहाँ

कदास = शायद

कड़े ई = कभी भी

कीकर = कैसे

केरी = की

कै = कि

कै = या

कोनी = नहीं

गत = प्रकार

गळाई = भाँति

जाणै = मानो

जे = यदि

तद = तब

ताइ = तब

तो ई = तो भी

ती = तो

नी = नहीं

न = और

पण = लेकिन

पणै = के बल पर

बदलै = के स्थान पर
बेगो = जल्दी
भलाई = भले ही
भांत = प्रकार

मायै = पर
माय = प्रदर
सग = तक
सारु = के लिये

क्रियायें [वर्तमान काल]

अवेरु = इकट्ठी कर
भोलखा = पहचानते हैं
उभलकै = छनकता है
उछेर = खाना कर, गुरु कर
ऊवरै = उबरता है
जुपावौ = जलामो
पुगावै = पट्टाचाता है
पूरै = भरता है
फरुकै = फहराती है
वीणू = चुग लू
बाट उडोकू = राह देखू
बतळावै = सम्बोधित करे
वाव हुळाऊ = हवा करू
बरजौ = मना करा, रोको
भेळी करू = इकट्ठी करू
सुर्मै = लटकती है
लडावै = फुसलाएँ
लडयडै = विकम्पित होता है
सेना सज्जणा = सेनामो का
प्रयाण

[भूत काल]

धादरी = भादर किया
कर हाखी = कर डाली
गियो = गया
जतळायो = जताया
जोवण लाम्यो = देखने लगा
देख्यो = देखा
गण उतरयो = पानी उतर गया
पोया = पियोया
बायेडो कर लाई = बाहो मे बाध
लाई
बरजिया = मना किया
बिसरयो = भूल गई

भीव सीनी = बस कर बाध ली
मगसी पडगी = हल्की पड़ गई
लिखीजियो = लिखा गया
सुकाय सीना = छिपा लिया
रळगी = बह गई
रळमळगी = बह गई

[भविष्यत काल]

उडीकती होसी = बाट देखती होगी
कामण करती होसी = जादू करती
होगी
केवटस्यू = सभा लूगी
गेरसी = गिरायेगी
पूगसी = पट्टाचेगी
पूरसी = पूरा करेगी
पोती मिळ जासी = हिसाब मिल
जाएगा
पीडयो होसी = सोया होगा
बतळाता होसी = सम्बोधित करते
होगे
वा'र चडसी = लडाई करने के लिए
पोछा करेगे
बाडसी = काटेगी
वेरो पड जासी = खबर पड जायेगी
भटकणो पडसी = भटकना पडेगा
भाडसी = बुराई करेगे
भवसी = भटकेगी
भेळा हुया होसी = इकट्ठा हुए
होगे
लिखीजला = लिखा जायगा
लास्यू = लाऊगी
बतळ करस्यू = बातें करूगी
व्हेसी = होगी
हसैला = हसेगे

